

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A**

HITNO PRITVOR!!

**Broj: T04 0 KTD 0058876 24
Zenica, 02.07.2024. godine**

**KANTONALNOM SUDU
-Sudiji za prethodno saslušanje-
Z E N I C A**

Na osnovu člana 45. st. 2. tačka i) i člana 241. stav 1. Zakona o krivičnom postupku F BiH, sa prijedlogom za produženje pritvora na osnovu člana 151. ZKP-a F BiH, podižem

O P T U Ž N I C U

Protiv:

T. E., zvani „D.“, neosuđivan, kojem je određen pritvor po rješenju Kantonalnog suda u Zenici od 11.06.2024. godine a koji traje od **09.06.2024. godine od 22:40 sati do 09.07.2024. godine do 22:40 sati**,

što je:

dana 09.06.2024. godine oko 22,00 sata, u Zenici, u ulici Bulevar Eze Arnautovića s ciljem da protupravno prisvoji tuđu pokretninu zaprijetio da će opasnim oruđem - nožem izravno napasti na život oštećene mladb.- dijete na način da je prvo prišao mladb. koja je sjedila na klupi, pored koje je ostavila svoj električni romobil marke „Ms energy 10“ crne boje, dok su se njene dvije maloljetne prijateljice- djeca i s kojim je bila u društvu, pored klupe igrale odbojke, te je rukom dodirnuo u predjelu vrata oštećenu i obratio riječima „Gdje si ti meni?“, a potom udaljio od nje desetak metara, za koje vrijeme je oštećena prišla prijateljicama, ispričala im šta joj je uradio i sve tri se nastavile igrati pored klupe, a on čučnuo u ćošku obližnje zgrade te iste pozivao da mu priđu na način da je gestikulirao rukom, ali mu nisu prišle već su se nastavile igrati, nakon čega je otišao iza zgrade i brzo se vratio držeći nož sa crnom plastičnom drškom ukupne dužine 28 cm a dužine sječiva 16 cm u ruci i krenuo prema njima, što je kod oštećene i njenih prijateljica izazvalo strah, te su počele bježati u suprotnom pravcu i udaljavati od njega, a on je prišao klupi i oduzeo električni romobil marke „Ms energy 10“ crne boje od oštećene, sa kojim romobilom se udaljio u pravcu naselja Raspotočje, svjestan da na ovakav način prijetnjom opasnim oruđem da će napasti na život mladb. oštećene oduzima njen električni romobil, što je htio,

dakle, prijetnjom da će izravno napasti na život oštećene upotrebom opasnog oruđa, oduzeo tuđu pokretninu s ciljem da je protupravno prisvoji,

čime je počinio krivično djelo Razbojništvo iz člana 289. stav 2. u vezi sa stavom 1. KZ F BiH.

3. Predlažemo sudu da u skladu sa odredbama člana 78. stav 1. KZ F BiH osumnjičenom izrekne **mjeru sigurnosti** oduzimanje predmeta – nož sa crnom plastičnom drškom ukupne dužine 28 cm a dužine sječiva 16 cm, jer je isti upotrijebljen za učinjenje krivičnog djela.

Na osnovu člana 151. ZKP-a F BiH predlažemo da sud nakon potvrđivanja optužnice produži pritvor osumnjičenom iz razloga propisanih u članu 146. stav 1. tačke c) ZKP-a F BiH.